

ALERTS

O compoñente Alert vains a servir para amosar mensaxes destacados que queremos que o usuario vexa.

Ten, de maneira xeral, a seguinte estrutura (non se representa o DOM por ser dun único elemento):

```
<div class="alert alert-x">
  Some content
</div>
```

Sendo **alert-X** a clase Bootstrap para definir a gama de cores da nosa mensaxe, tanto para o fondo como para o texto que conteña a alerta. Esta gama de cores xa foi explicada en anteriormente.

Ao engadir cores tanto ao texto como ao fondo podémonos atopar con que as cores das ligazóns pasan desapercibidos, por iso, se queremos engadir unha ligazón que destaque de maneira correcta dentro dunha alerta debemos engadirlle a clase **alert-link**. Como exemplo:

```
<div class="alert alert-x">
  Some content with <a href="#" class="alert-link"> a link </a ..>
</div>
```

Adicionalmente, se quero que a alerta desapareza teño que:

- Engadir a clase **alert-dismissible** ao elemento que tiña a clase alert. Isto ademais servírame para situar o elemento que, ao facer click nel, fará que desapareza a alerta.
- Engadir ao elemento de peche o atributo **data-dismiss="alert"** para asociar correctamente a acción javascript. A documentación recomenda que isto sexa unha etiqueta **button**
- E para animar os elementos ao desaparecer poderemos engadir as clases **fade** e **show** ao elemento principal.

Un exemplo sería:

```
<div class="alert alert-warning alert-dismissible fade show" role="alert">
  Texto da alerta
  <button type="button" class="close" data-dismiss="alert" aria-label="Close">
    <span aria-hidden="true">X</span>
  </button>
</div>
```

Podo ademais interaccionar con estes elementos alert mediante o uso dunha serie de métodos:

- `$.alert()`. Enlaza manexadores de click cos elementos fillo que teñan **data-dismiss="alert"** para que ao facer click sobre eles desaparezan os elementos seleccionados.
- `$.alert('close')`. Pecha as alertas e elimínalas do DOM.
- `$.alert('dispose')`. XXXXXXXX

E os eventos asociados son:

- close.bs.alert** que se dispara ao pechar a alerta.
- closed.bs.alert** que se dispara cando a alerta está a pecharse do todo.